



Prvih 100 dana rada
federalnog ministra trgovine
Amira Hasičevića

Federalno ministarstvo trgovine, na čelu sa ministrom Amirom Hasičevićem, intenzivno radi na izradi novog teksta tri zakona:

- Zakona o unutrašnjoj trgovini FBiH,
- Zakona o kontroli cijena i
- Zakona o zaštiti potrošača, usklađenim sa pravnom stečevinom Evropske unije.

Cilj je unaprijediti oblast trgovine na način da se olakša poslovanje trgovcima, da se zaštite radnička prava ali i prava potrošača.

Takođe, ministarstvo intenzivno radi na projektu digitalizacije praćenja prometa i cijena kako za naftu i naftne derivate, kao što je do sada bila praksa, tako i za osnovne životne namirnice i druge proizvode.

"Namjera je da se postojeća, zastarjela zakonska rješenja moderniziraju, prilagode sadašnjim uslovima poslovanja, usklade sa evropskim zakonima, te da budu efikasnija od dosadašnjih. Takođe, za oblasti koje do sada nisu imale zakonski okvir, poput elektronske trgovine, sačine novi zakoni i smanji mogućnost tzv. sive ekonomije", poručuje ministar Hasičević.



Ukupna vrijednost prihoda trgovine na veliko i malo na godišnjem nivou je oko 30,2 milijarde KM, zbog čega sektor trgovine ima najznačajnije učešće u BDP-u Federacije BiH. Federacija ima oko 99.000 zaposlenih u trgovini.

U prvih 100 dana rada ministar je održao niz sastanaka sa predstavnicima Sindikata radnika/ca trgovine i uslužnih djelatnosti BiH, Udruženja poslodavaca, vlasnika trgovačkih lanaca u BiH, trgovačkih društava, udruženja potrošača kao i Ombudsmana za zaštitu potrošača, predstavnicima Udruženja distributera naftnih derivata Privredne komore FBiH.

Time je uveo novu praksu, da prije kompletiranja tekstova pomenutih zakona, sasluša i mišljenje onih na koje se zakoni odnose, u cilju sačinjavanja što efikasnijih zakonskih rješenja koja će donijeti znatno olakšanje i poboljšanje provođenja zakonskih odredbi u praksi.

Ministar Hasičević održao je sastanak sa predstavnicima udruženja potrošača. Federalno ministarstvo trgovine odobrilo je sredstva za podršku rada ovih udruženja u iznosu od 47.000 KM.



MINISTAR HASIČEVIĆ SA PREDSTAVNICIMA UDRUŽENJA ZA ZAŠTITU POTROŠAČA U FBiH



RADNI SASTANAK MINISTRA HASIČEVIĆA I OMBUDSMANA MARIĆA O PITANJIMA IZ OBLASTI ZAŠTITE POTROŠAČA

Na sastanku sa predstavnicima Institucije ombudsmana za zaštitu potrošača u BiH ministar Hasičević je razmijenio informacije o najčešćim pritužbama građana u oblasti trgovine, a razgovaralo se i o unaprjeđenju institucionalne saradnje u mandatnom periodu.

Ministar Hasičević održao je sastanak sa predstavnicima Privredne komore FBiH na kojem je bilo riječi o nastavku saradnje dvije institucije u primjeni Zakona o posredovanju u prometu nekretnina. Zakonom se uređuje ova oblast i rješavaju mnogobrojni problemi s kojima se susreću registrovani poslovni subjekti za promet nekretnina, kao i građani i pravna lica koja koriste usluge posredovanja.

Naime, Ministarstvo trgovine izdaje rješenja za upis u registar posrednika čime se legalizuje rad subjekata u prometu nekretnina u Federaciji. Ministarstvo trgovine do sada je izdalo 133 rješenja o ispunjavanju uvjeta za obavljanje djelatnosti.



FEDERALNI MINISTAR TRGOVINE SASTAO SE SA PREDSTAVNICIMA PRIVREDNE KOMORE FBiH

Sa predstavnicima Udruženja naftnih distributera glavna tema sastanka bila je aktuelna situacija na tržištu naftnih derivata u Federaciji Bosne i Hercegovine, te izrada novog normativnog okvira koji, pored stalog, podrazumijeva unaprjeđenje i preciznije uređivanje pojedinih pitanja vezanih za bolje funkcioniranje ovog sektora.



SASTANAK MINISTRA HASIČEVIĆA SA PREDSTAVNICIMA
UDRUŽENJA DISTRIBUTERA NAFTNIH DERIVATA PRIVREDNE
KOMORE FEDERACIJE BOŠNE I HERCEGOVINE



MINISTAR HASIČEVIĆ ODRŽAO RADNI SASTANAK SA
PREDSTAVNICIMA TRGOVAČKIH DRUŠTAVA

Radni sastanak održan je i sa predstavnicima trgovačkih lanaca KONZUM, KLAS d.d., AMKO, UTD BEST i NAMEKS. Tema ovog sastanka bila je unaprjeđenje zakonskog okvira iz oblasti trgovine. Posebno je istaknuta važnost saradnje i zajedničkog djelovanja poslovne zajednice i Federalnog ministarstva trgovine u stvaranju poslovnog ambijenta kojim će se omogućiti uspostavljanje stabilnog i jedinstvenog tržišta unutar kojeg su zaštićeni interesi potrošača i trgovaca.

Unaprjeđenje zakonskih rješenja kako bi se olakšalo poslovanje u oblasti trgovine bila je takođe tema sastanka ministra trgovine Federacije BiH Amira Hasičevića i vlasnika kompanije Bingo, lidera u trgovini u BiH Senada Džambića, te Edina Ibrahimovića, izvršnog direktora za biznis operacije kompanije Bingo.



FEDERALNI MINISTAR TRGOVINE U RADNOJ POSJETI
KOMPANIJI BINGO



OKONČAN PRVI KRUG RADNIH SASTANAKA SA PREDSTAVNICIMA NAJZNAČAJNIJIH TRGOVINSKIH LANACA U FEDERACIJI

Posjetom kompanijama Ovnak-CM i FIS u Vitezu ministar trgovine FBiH Amir Hasičević okončao je seriju sastanaka sa predstavnicima najznačajnijih trgovinskih kompanija u Federaciji BiH.

Predstavnici Ovnak-CM grupacije kao i kompanije FIS izrazili su podršku inicijativama da se na nivou Federacije uvede neradna nedjelja, uvede digitalizacija koja bi omogućila praćenje cijena putem aplikacije, poput već postojeće za praće cijena kada su u pitanju nafta i naftni derivati, zatim da se uredi oblast elektronskog poslovanja, kao i da se harmonizoraju propisi u oblasti trgovine u Federaciji, a potom koliko je to moguće i sa Republikom Srpskom.

Federalni ministar trgovine Amir Hasičević sastao se i sa predsjednicom Sindikata radnika trgovine i uslužnih djelatnosti BiH Mersihom Beširović, koja je izrazila zadovoljstvo uvažavanjem zahtjeva Sindikata kao ravnopravnog socijalnog partnera prilikom prijedloga novog zakonskog rješenja iz oblasti unutrašnje trgovine.



MINISTAR HASIČEVIĆ SA PREDSEDNICOM SINDIKATA RADNIKA TRGOVINE I USLUŽNIH DJELATNOSTI FBiH BEŠIROVIĆ O TEKSTU NOVOG ZAKONA O UNUTRAŠNJOJ TRGOVINI

U toku je intenzivan rad na izradi novih zakonskih rješenja koja bi trebalo da se upute u proceduru već početkom septembra.

Paralelno sa ovim aktivnostima ministar Hasičević angažovan je i u oblasti unaprjeđenja klime za investiranje u Federaciji Bosne i Hercegovine. Imenovan je za predsjednika Savjeta za strane investitore Federacije.

Ministar Hasičević na prvoj sjednici ovog savjetodavnog tijela Vlade Federacije predstavio je Informaciju Federalnog ministarstva trgovine o registrovanim predstavništvima stranih osoba u FBiH.

Prema tom izvještaju na teritoriji FBiH registrovana su 363 strana predstavništva iz 41 zemlje, a najviše iz Hrvatske, Slovenije, SAD-a, Srbije, Njemačke. Razgovarano je o mogućnostima unaprjeđenja ulaganja i olakšanja investitorima koji žele svoj kapital investirati na području Federacije.



SAVJET ZA STRANE INVESTITORE FBiH ODRŽAO PRVU SJEDNICU U NOVOM SAZIVU